

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01- 21 /12
Vareš, 30.01. 2012. godine**

Na osnovu člana 12. stav 3.i 4. Zakona o vodama Zeničko-dobojskog kantona ("Sl. novine Zeničko-dobojskog kantona" broj 17/07), člana 8. Zakona o komunalnim djelatnostima("Sl. novine Zeničko-dobojskog kantona" broj 17/08) i člana 22. Statuta Općine Vareš br. 01-25/09 od 29.01.2009. godine, Općinsko vijeće Vareš na 35. sjednici održanoj 30.01.2012. godine, d o n o s i

O D L U K U

o povjeravanju na upravljanje i korištenje vodovoda pitke vode za MZ Stupni Do sa izvorišta „Sedra“ Javnom komunalnom preduzeću d.o.o. Vareš

I.

Vodovod za MZ Stupni Do, koje se snabdijeva pitkom vodom sa izvorišta „Sedra“ povjerava se na upravljanje i korištenje JKP d.o.o. Vareš i služit će za potrebe vodosnabdijevanja stanovništva MZ Stupni Do.

II.

Javno komunalno preduzeće d.o.o.Vareš će upravljati ovim vodovodom na način propisan Odlukom o vodovodu i kanalizaciji Općinskog vijeća Vareš broj 01-101/10 od 05.05.2010. godine.

III.

Ova odluka stupa na snagu osmog dana od dana objavljivanja na oglasnoj tabli Općine Vareš, a primjenivati će se od dana primopredaje vodovoda između MZ Stupni Do i Javnog komunalnog preduzeća d.o.o. Vareš.

**PREDSJEDAVAJUĆI
OPĆINSKOG VIJEĆA**

Josip Malbašić

Ova odluka objavljeno na oglasnoj tabli OpćineVareš dana 31.01.2012. godine.

OPĆINSKI NAČELNIK

Hamdo Fatić

O B R A Z L O Ź E N J E

Odluke o povjeravanju na upravljanje i korištenje vodovoda pitke vode za MZ Stupni Do sa izvorišta „Sedra“ Javnom komunalnom preduzeću d.o.o. Vareš

U članu 12. stav 3. Zakona o vodama Zeničko-dobojskog kantona (“Sl. novine Zeničko-dobojskog kantona“ br.17/07”) stoji: „Vlasnici vodnih objekata iz stava(1) i (2) ovog člana pravo upravljanja i korištenja mogu prenijeti na pravna lica ustanovljena prema propisima o komunalnoj djelatnosti i to samo na pravna lica u vlasništvu države“.

U članu 12.stav 4. stoji:“Vodni objekti iz člana 9.stav(1) tačka 3.alineja 1. i tačka 4. ovog zakona što su ih za svoje potrebe izgradila pravna ili fizička lica u njihovom su vlasništvu i ona brinu o upravljanju tim objektima“.

U članu 8. stav (3) Zakona o komunalnim djelatnostima(“Sl. novine Zeničko-dobojskog kantona“ broj 17/08) navedeno je da „Općina može povjeriti komunalnu djelatnost subjektima iz stava(1) i(2) ovoga člana ,polazeći od prirode komunalne djelatnosti i uvjeta i potreba jedinica lokalne samouprave u skladu sa zakonom

U istom članu stav (4) je navedeno „Izuzetno,snabdijevanjem pitkom vodom stanovništva mogu se baviti samo javna preduzeća“

Izgradnja vodovoda za naselje Stupni Do sa izvorišta „Sedra“ je finansirana donatorskom sredstvima preko organizacije ARC Zenica 1999. godine a izvođača radova je bilo Javno komunalno preduzeće Vareš, te predstavlja vlasništvo Općine.

Zbog problema u vodosnabdijevanju zbog neracionalnog trošenja vode sa ovoga izvorišta,MZ Stupni Do,aktom br.07-12/11 od 27.12.2011, se obratila Općinskom načelniku sa zahtjevom za povjeravanju na upravljanje i korištenje vodovoda pitke vode za naselje Stupni Do sa izvorišta „Sedra“ Javnom komunalnom preduzeću d.o.o. Vareš.

Takođe su istim aktom i dali saglasnost za povjeravanje na upravljanje i korištenje ovog vodovoda Javnom komunalnom preduzeću d.o.o. Vareš.

U prilogu akta su dostavili i spisak 26 domaćina koji su svojim potpisom dali saglasnost da se vodovod „Sedra“ preda na upravljanje i korištenje JKP Vareš.

U cilju zaštite ovoga vodovoda,njegovog održavanja kao i obezbjeđenja zdravstveno ispravne vode za MZ Stupni Do potrebno je dati ovaj vodovod na upravljanje i korištenje Javnom komunalnom preduzeću jer je u skladu sa članom 8. Zakona o komunalnim djelatnostima propisano da snabdijevanje pitkom vodom stanovništva, Općina može povjeriti samo javnom preduzeću.

Obzirom na naprijed navedeno, predlaže se Općinskom vijeću da usvoji Odluku u predloženom obliku.

**PREDLAGAČ:
OPĆINSKI NAČELNIK**

Hamdo Fatić

